

oetapagmitisena, Sagaliôg teloisisena; tógô otepitema Alônal elp oetapegssisena, Elisapetôg teloisisent; gitg eta sapoelpenig Gisolgol osgalog, tesig tpeletoganigtog bel penatpenig, ag tesigel Gtjisagmal telgmoeliljel negemôô gôpôatji tleilisenigel, môgoetj gisi natalitebunagsepenig; sgato mo oentjanigronig, Elisapet ôgotj mesi pmaloes ag gitg lôg gisigolpenig na tliisip.

Tôgo tetapotessges Sagali opatlaseol ogoen oitjeianseni oetapagmititji Gisolgol ogplaganeg, totjio negera elagatarnos (telegsepenig ôgotj negela patlasegig, episegan Gtjisagmai alasotmôpôomg ogtigalan pcol ochmalitjel gess mset maoidani etli akasotmassemg gônjnog, aoloppôgôsigemeg patlateg. Tliisip Gtjisagmai otansalem l eli mesoastenel ogtining, inxanel aoloppôgôigenei pataloti gaganisenel. Teli nemiteges Sagali oetji sespetasts ag oisgi gsi oegontasis; sgato ansaleoilijel telensepenel; 'Mo ogoogcutasio, Sagali, meta gis teltaougteman notemolkep, ag Elisapet taposig ogoisiteo ogtjit gil ag tloitateg. San ogtji oitastitesg gil ag ossegeoinôgsitesg, pigoeltag elp ogtjitolitasolotag osgtjinoliltja; negem ôgotj msegilteo Gtjisagmal osgalog; môgôpog na malgôtomog gisna tan gôgoei gelgaloeg, tôgo Oetjioi Nisgamel gis otjoalogotal tjel ogoitjel ogtelamiloga; ag gioansgoitjalata pigoelnita Islel onitjanga Gtjisagmaoigtogel onisgamoal; ag negem pa tli niganasiteo ogtining, E'tôg teli sapeoiltteg ag ellegenaliteg, ogisi gioansgoitjatoan gisigo ogoamlamonael onitjantjioagel ag tli srolata elistcaititji onsepi eli nsetoittilin gôgoatmetoititji; ogtji ilatoatal gelog maoidomi Gtjisagmal.' Tôgo tliisip Sagali telmasenel ansaleoilitjel: 'Tali gtitjittotes nin ogtellan ana? nin ôgotj gisigol ag elp nigmatj lôg gisigolsgoôft.' Ansaleoil asite gelolaseenel elasenel: 'Nin eta Gaptieol tan Gisolg ogplaganeg metj' etligam, na negem oetlohit natagnotemolanel oegela tesigel; gil tóg na ntaoeon nogotj ag ma gisi gelosion anisôgotj na nagoeg igag tan totjio tliateo na; meta môgoetj getlamsetasion telbel, tan gagi gisgatjlateo mi-amotj elmi tetapolaga.'

Na tliisip mset maoidomi pemessipatisenel Sagalial ag pagalatetemoatisenel gtjialasotmôgôomg ogteli pgitgatemelin, ag gisi toletog mesi gelogoitisenel, oetji nenemitis, ogpagalapategelin alasotmôgôomg. Tôgo negem eli matjatomaseniga ag negao mesi ntaoes elpaa. Me sgato tetapotessges, gisi gagi patlaseologoeteg, oig elnies

ag mo pegitjomog ogtepitemel Elisapet oentjanitteg teli pgitji aligasis glapis manilitji teggenseslitji, teloeteg: 'Thu eta teloelip Gtjisagmai oegela nagoegel, teli otapasip nining, ogtji gsegatoin tan teli nageleip nemotigga.'

Asogônnetei teggensesl pemieteg. Gtjisagmaoigtog oetloles Gaptiel gtjianaleoil Galteloeol gtjigantjijteg Nasalet teloisigsepeneg, natagnotemaseenel oeli nagoelitet getoi malicoiltteg tjinanol, tan teloisig Sôsep. Tapital oig telgsepenel; tôgo nagoel Mali teloisig. Gisi pasgoateg elmelisenel telmasenel: Tôg olsien gil sapeoiti ootjiorrel, Gtjisagmai tegoeiasg epitjig netjiltemogsin.' Teli notemateg oetji sespetasis eli angitetgatan telamogsepeneg telgig oegageltimogoolig; ansaleoilitjel telsepenel: 'Mo gesoetegoo, Mali, elm ôgotj gis oetjitesep Nisgam grolangan; gil tóg ogoisitesg ag gtinibigtog ogtji osgtjinoiteo tan telaitatesg Sesos; na negem Gisolgol Nisgamel igemmagotal otjel Tapitôg ogotjotmigtog ogtelil gisgatpasin, ag iaptjio pa Sagôp oigtog tli alsositeo ag ogtalsosotim ma gisi ponianeg.' Tôgo ansaleoiltag telinsepenel Malial: 'Tali gislateo teljmin? meta nin tjinem mo nenoag.'

Ansaleoilitjel teli asitegelolsepenel: 'Santeolamoti gtininigtog li nkasiteo ag tliisip nissgameoignôti gtjipgetalg tlei mseta algonatoliteo tesin; na ogtjit santeoit tan gtininigtog ogtji osgtjinoiteo Gtjinisgam ogoisel tloitate. Getj 'Elisapet eodgomatiôg gis elp mitjoatitjel eloatjel teli gisigolsodoitjel ag tan temg oitos mo nigitag asogôn tes teggensesitjig ogpemaloen, meta Gisolgol môgoetj elpa gisi ntaoi mesigoo.' Na pa Malôg esenag: 'Nin na oenagômit Gtjisagmai ntnin, tliatj tóg ntninigtog telapogoesep.' Na totjio ansaleoiltag oetji pôtamgasis elmelitet.

AGNOTEMAGANTJITJEL

OEGÔPEGITG lno sagmao Sôsep Gol mo lnim gesi olelog, gato me gisi logoet gitjga.

GOSPEMIG—12, 10—Tiamogeatliteog neotetjit getgonit pteoidtrog na tiamo petjitalitji ellisinga, gato môgoe gisi talalagol, meta elt negem getantji gato môgoe gisi talalagogol.

EPEGGITG—Rev. John A. McDonald, P. P. Grand River, Lot 14, notjeloatji lno nigmaga. Mteln tesitjig tjel asogôn oesoatottitj sohnaltitj, Agostin Pelnal ag Piel Lapôp menag oitamegig.